

陽寒集驗

序

余居恒喜讀醫書因少年
善脾病尤喜讀李東垣書
既見傷寒一忘醫家妄投
藥劑多至不治時簡坊間

刻仲景陶節庵諸書讀之
然而斷簡殘篇魚豕差訛
終覺未暢每晤一二老折
肱者其於汗吐溫下仍是
影射覆之談噫此道難

言之矣會秀水陳君文治
者幼學書長而學劍既而
工黃石陰符之術為塞外
名將軍無何以另事羈跡
燕市漸棲泊益津津士一

與之遊無不思投轄者每
舉上下天下罔不洞了於
醫之一道尤精妙入神文治
殆博物君子乎會吾邑少
司馬小峰李公慷慨慕義

雅有饑溺繇已之思聞文
治名命邑中之聰慧者往
學焉而劉子德懋負笈行
矣從學三年許居僅半椽
尚不堪容膝夜臥兩足挿

壁上呼吸之氣布滿室中
不克自見其面目劉子學
益力真不啻射者之懸孔蝕
承蜩者之傴僂矣其陳有
以堅其志也乎一日劉子

乞假省兩親陳瞪目曰小
子歸乎少曰殆數矣夫簞
中取一帙附之曰此吾手
繕者而歸習此可以醫世
而亦從此昌矣幸無忘今

日劉子正童朦無知識茫
不知所謂歸來未數日而
陳溘然矣劉子涕零急趨
則琴劍簪履俱為臧獲負
之而走劉子茫然歸取

所付讀之方知為傷寒書
也開戶研究越十年如一
日其攻苦不減負笈時劉
子之聲亦大噪於燕趙間
獨於傷寒隨施隨效人益

神劉子而劉子不居也時
出其書以示人亦可謂不
忘本矣劉子家素貧兩弟
諸子偕青囊之餘得肆力
於學先後俱補邑弟子員

中有食廩餼者旦夕間且
望扶羊角而上也則醫之
道豈但濟人利物已耶劉
子今亦種之顛毛生矣思
所以報陳以無負司馬公

意者無他惟欲公是書於
人間世則陳君不朽而能
事畢矣會余來川臨行時
以原稿相囑余欣然喏之
正偕手以為世之庸醫效

一箸耳如文治者寧但為
仲景諸君子之功臣已耶
又思當劉子請歸時而陳
何以有訣別之語陳其有
得於辟穀之遺假醫以逃

名而猶借此刻以自表見
也乎文治可謂一時之隱
而有德者雖然猶未免有
文治之書在吾第取其能
醫世已耳於是鐫而廣之

昔

崇禎六年孟秋吉日

欽差提督軍務巡撫四川等

處地方都察院右僉都御

史前太常寺少卿吏科都

給事中澹如甫劉漢儒書
於錦官之雙桂軒中

